

Giuvnils s'engaschan per il gaud da muntogna grischun

La BCG ed il Project en favur dal gaud da muntogna han creà 60 jobs da stad per giuvnils

Cuira, ils 10 d'avust 2018 – La purschida da jobs da stad per scolars e students è stgarsa. Per quest motiv han la Banca Chantunala Grischuna (BCG) ed il Project en favur dal gaud da muntogna pussibilità per la sisavla giada a 60 giuvnas Grischunas e giuvens Grischuns in engaschament d'ina emna en il gaud da muntogna.

L'ultima da totalmain quatter emnas da project en il gaud da muntogna va a fin questa saira a Glion per 15 giuvnils. Cun il sustegn dals spezialists han ils giuvens voluntaris prestà ina contribuziun preziosa en favur dal gaud da muntogna indigen. Al di da medias dad oz venderdi han infurmà Alexander Villiger, manader dal personal da la BCG e Carmelia Maissen, presidenta communal da Ilanz/Glion, davart l'avantatg da questas emnas da project per la banca e per las vischnancas partecipadas.

Jobs da stad fitg tschertgads

La Banca Chantunala Grischuna ha offert a giuvnils per la sisavla giada in job durant las vacanzas. «Cun il project da stad da la BCG vulain nus surpigliar nossa responsabladad envers l'ambient e la societad. A medem temp purschain nus als giuvnils experientschas grondiusas ed ina pussaivladad da gudogn durant il temp da vacanzas», declera Alexander Villiger l'engaschi da la banca. Danovamain ha il project sveglià grond interess. Var 150 giuvnils èn s'annunziads per in job da stad a Cuira, Trin, Claustra e Glion.

In engaschi prezios en favur dal gaud da muntogna grischun

In gaud da muntogna intact protegida da lavinas, da bovas, d'erosiun e d'auazuns. Ultra da quai serve el sco spazi da viver a bleras spezias d'animals e da plantas. «Jau sun impressiunà ch'ils giuvnils – che enconuschan uschiglio la natira surtut da lur activitads da temp liber – vesan concretamain tge ch'il gaud da muntogna signifitga e tge ch'els pon contribuir per al mantegnair», di Martin Kreiliger, gestiunari dal Project en favur dal gaud da muntogna. Ils giuvnils han surtut gè da construir sendas per inspecziuns, far saivs cunter ils donnos da rusignar da la selvaschina e debostgar las surfatschas da protecziun da la natira.

Finiziun e sguard enavos

Questa saira ha lieu l'occorrenza da finiziun cun ina tschaina comunabla. Praticantas e praticants da la BCG han fotografà e filmà l'emna da project e preschentan lur impressiuns. Da la partida èn er ils geniturs da las giuvnas lavureras e dals giuvens lavurers.

Contact per ils collavurators da medias:

Banca Chantunala Grischuna, Medias & Investor Relations, chascha postala, 7001 Cuira
Thomas Müller, thom.mueller@gkb.ch, telefon +41 81 256 83 11

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i' dovra per ina banca universala moderna – per personas privatas, l'economia ed il maun public. La banca occupa 996 collavuraturas e collavurators (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 56 agenturas, la sedia principala sa chatta a Cuira. La Banca Chantunala Grischuna è partecipada a la Banca Privata Bellerive SA a Turitg ed a la Albin Kistler SA a Turitg. En il rendaquint semestral preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da partecipaziun BCG è quotà a la bursa dapi ils 10 da settember 1985.

Termins

Quint annual 2018: 8 da favrer 2019
Radunanza dals participants: 4 da matg 2019
